

Peqqussutissatut siunnersuummut nassuiaatit

Nalinginnaasumik nassuiaatit

1. Aallaqqaasiut

Nakorsaatinik uninngasuutit ukiuni kingullerni tallimani misissorlugit nakkutigineqartarnerisa ersersippaat taakkuninnga misissuisarnerni isumannaatsuunissamut tunngasut naammassineqartarsimanngitsut. Tamanna pineqartumi maleruagassat nalornisoorutigineqartarsimanerannik pissuteqarajuppoq. Sumiiffiit ilaanni qallunaat maleruagassiaat sulinermi atorneqartarsimapput sumiiffinnili allani malinneqartarsimanatik. Taamaattumik Peqqissutsimut Pisorta qarfirmi aalajangiunneqarpoq nakorsaatit pillugit inatsit nutarterlugu, pisariillisarlugu ataqatigiinnerulersillugulu suliaq aallartinneqassasoq. Taamaaliornikkut inatsisinut tunngasut inunnut inatsisinik maleruaatitsisussanut paasiuminernerulersinneqassapput passunnissaallu oqinnerulersinneqassalluni.

Tamatuma inerneraa peqqussut manna, ilaatigut tassani pineqarlutik nakorsaatit nioqqtissiarinissaat, akuersissutiginissaat, passunnissaat agguaassisarnerlu pillugit maleruagassat. Tamatuma saniatigut peqqussummi pineqarput susassa qarfinni assigiinngitsuni maleruagassat erseqqinnerusut aalajangersornissaannut Naalakkersuisut arlalinnik pisinnaatitaanissaat. Tamatuma pineqartumi nunani tamalaani ineriartornermut malinnaanissaq oqinnerulersissavaa.

2. Peqqussutissatut siunnersuummi pingaarnertut nassuiaatit

Nakorsaat eqarnermut tunngasutigut siunissami aqqissuussinissaq maannakkut oqartussat aqqissuussaanerannut annertuumik eqqaanartuussaaq, tassa Naalakkersuisut allaffissornikkut pingaarnertigut aalajangiisassallutik. Nakorsaatit pillugit ataatsimiititaliaq Kalaallit Nunaanni nakorsaatit atorneqarnissaat pillugit pingaarnertigut siunnersuisussaavoq. Nakorsaatinik eqquuinermut, agguaassinermut passussinermullu atasunik nuna tamakkerlugu ingerlatsineq Nuna tamakkerlugu nakorsataasiviup isumagissavaa, ulluinnarnilu allaffissornikkut suliaq amerlanersaat Peqqissutsimut Pisorta qarfirmiissallutik uumasunullu tunngasut Inuussutissarsiornermut, Nunalerinermut Suliffeqarnermullu Pisorta qarfirmiissallutik. Peqqussummi inatsisitigut tunngavissiisutiginekarpoq uumasunut nakorsaatit pillugit maleruagassat, piffissat uninngatitsigallarfiit aammalu nakkutilliinissamut iliuusissat pillugit maleruagassat erseqqinnerusut Naalakkersuisunit aalajangersarneqartarnissaat.

Peqqussutissatut siunnersuummi aamma aaqqissuussaannikkut annikitsunik ataasiakkaanik allannguinnissaq siunniunneqarpoq, annerusumik nakorsaatitut tunngasutigut Namminersornerullutik Oqartussat suliaasa erseqqinnerusumik nassuiarneqarnerisa agguataarneqarnerisalu kingunerisaannik. Nakorsaatit pillugit ataatsimiititaliaq nukittorsarneqassaaq ilaatigullu Naalakkersuisunut akuersissanngorlugit nakorsaatit pillugit inassuteqartarnissaq suliassarilissallugu. Ataatsimiititaliaq allattoqarfeqalissaaq, nakorsaatileriffimmik, aalajangersimasunik suliassanik namminerisaminik isumagisassaanik aamma tunineqarsinnaasussamik. Nakorsaatileriffik aallaaviatigut Peqqissutsimut Pisortaqarfimmi inissinneqassaaq, pisariaqartitsisoqarneratigullu avissaartinneqarsinnaassalluni imaluunniit kingusinnerusukkut nuunneqarsinnaassalluni.

Maannamut nakorsaatit nioqqutissiarineqartarnerat akuersissutigineqartarnerallu inatsimmi nr. 327-mi 26. juni 1975-imeersumi kingusinnerusukkut allannguuteqartinneqartartumi iluarsivigineqartarsimavoq. Inatsit nakorsaatit pillugit qallunaat inatsisigaat pisoqaangaatsiarpoq immikkuualuttortalersugaalluortorlu arlaleriarluni allanngortinneqartarsimasooq. Allannguutaasartut kingulliit – Danmarkip Den Europæiske Unionimi ilaasortaanera pissutaalluni akulikitsunik allanngortinneqartariaqartarsimasooq – Kalaallit Nunaannut amerlasuutigut naleqqupallaartarsimanngilaq.

Kalaallit Nunaanni napparsimmaveqarfinnut nakorsaatit sulluunniit eqqussorneqartut pisarput napparsimmaveqarfiit aammalu pilersuisut qallunaajusut akornanni isumaqatigiissutit tunngavigalugit, pingaartumik Herlevimi Centralapoteket (København's Amts Sygehusvesen) kiisalu assersuutigalugu Statens Serumsinstitut aamma Landbohøjskolen. Tamanna tunngavigalugu Kalaallit Nunaat maannamut ajornartorsiuteqartarsimanngilaq suliffeqarfiit nakorsaatillu il.il. misissorneqartarnerat akuersissutigineqartarnerallu eqqarsaatigalugit. Tassa Kalaallit Nunaata nakorsaatit pitsaassusiat isumannaatsuunerallu pillugit qallunaat nakkutilleeriaasiat akuerseriaasiallu iluaqutigisimavaa aammalumi pinngitsoorsinnaasimanagu.

Nakorsaatit akuersissutigineqartarnerat maanna Naalakkersuisunit akisussaaffigineqalissaaq Nakorsaatit pillugit Ataatsimiititaliamit inassuteqareernikkut. Taamaalilluni Kalaallit Nunaat qallunaat nakkutilleeriaasiannik akuerseriaasiannillu isumalluutaarutissaaq, taamaalillunilu nakorsaatit ullumikkumut naleqqiullugu pilersuisunit allaneersut siunissami eqqunneqarsinnaalissapput.

Inatsimmi atuuttumi ilaatigut pineqarput nakorsaatit pissarsiariniarneqarnissaat tunniunnissaallu, nakorsaataasiviit aaqqissuunnissaat aammalu napparsimmaviit immikkoortortaanni, angerlarsimaffiit paaqutarinniffiusut il.il. nakorsaatinik pissarsiniartarnerat passussisarnerallu pillugit nalunaarutit arlallit qangali Danmarkimi atorunnaareersut. Peqqussutissatut siunnersuummi pineqarput nakorsaatit passunnissaat pillugit maleruagassat pingaarnert ilaat, ilanngullugit nakorsaatit pisiniarfimmi pisarineqarsinnaasut aammalu nakorsaatit nakorsanit innersuussutigineqartartut. Peqqussutissatut siunnersuummi aammattaaq pineqarput aalajangersakkat assigiinngitsut arlallit ilaatigut nakorsaatit pissarsiariniarnissaat passunnissaallu pillugit maleruagassanik erseqqinnerusunik aalajangersaanissamut

Naalackersuisunut inatsisitigut tunngavissiisut. Nalunaarutip taamaattup taarsissavaa Kalaallit Nunaanni nakorsaait pissarsiariniarnissaat passunnissaallu pillugit Sundhedsstyrelsen ilitsersuuta 15. november 1986-imeersoq (nakorsaaitilerinissamut ilitsersuut), inatsisinik atortitsinermi tunngavippiaasimasoq agguaassisarnermi atorqartareernikuusoq.

Uumasunit nerisassiat avammut tunineqarnissaat pillugu Kalaallit Nunaata qanittukku EU-mik isumaqatigiissuteqarnissamik anguniagaqarnerani erserpoq aqutsinissamut periarfissat naleqquttut amigaataanerat pissutaalluni pitsaassusissap qulakkeernissaa pillugu EU-mit piumasaqaatip pisarialimmik piviusunngortinnissaanut aporfiusoq, soorlu uumasunut nakorsaaitiliat misissornissaannut periaasissat kiisalu uumasut avammut tunisassat timaanni nakorsaait sinnerinik akullit uninngatikallarnissaannut piffissaliussat. Nakorsaait passunnissaat pillugit maleruagassat aammattaaq uumasut nakorsaataannut atuupput, tamatumali saniatigut peqqussutissat siunnersuummi aammattaaq pineqarput nakorsaait taamaattut isumannaatsuunissaannik piumasaqaatit kiisalu susasaqarfimmi tassani akuersisarnikkut misissuisarnikkullu periaatsit pisariaqartut Naalackersuisut aalajangersaanissaannut inatsisitigut tunngavissat.

Peqqussutissat siunnersuummi aammattaaq nakorsaait piseqqusaarutigineqartarnerat pillugu maleruagassat pingaarnerit arlallit saqqummiunneqarput. Taakku nalunaarutissami Naalackersuisut suliarinissaanut inatsisitigut tunngavissaqarfisaani itisilerneqarnissaat naatsorsuutigineqarpoq.

Inatsisartut peqqussutaanni Naalackersuisut arlalinnik nalunaarusiornissaat periarfissiissutigineqarpoq taakkulu ilaat taassuma atorqarfissaa qulakkeerniarlugu peqqussutip atuutilersinnissaanut peqatigitillugu suliarineqassapput atortuulersinneqassallutillu. Peqqussut peqatigalugu nalunaarutit makku atuutilernissaat naatsorsuutigineqarpoq:

- Nakorsaatinik pisiassanik niuertarfinni tuniniaanissaq passussinissarluk pillugit akuersissuteqarnek pillugu nalunaarut. Nalunaarut niuertarfiit nakorsaatinik pisiassanik tuniniaasinnaaneranikk piumasaqaatinik malittarisassaqaartitsissaaq.
- Inunnut nakorsaatisannut nakorsaait allagartaat aamma nakorsaait tunniunneqarnissaannut allagartat pillugit nalunaarut. Nalunaarut nakorsaatinik innersuussinerit uppersarnerneqarnissaannut piumasaqaatinik malittarisassaqaartitsissaaq.
- Nakorsaatinik pissarsiarneq passussinerlu pillugit nalunaarut. Nalunaarut Peqqinnissaqarfimmik Aqutsisoqarfiup ilitsersuutaanut 1986-imeersumut taartaalluni nakorsaatinik agguaassinermi nakorsaatinillu passussinermi isumannaallisannikkut piumasaqaatinik malittarisassaqaartitsissaaq. Nalunaarut Nuummi Nuna tamakkerlugu nakorsaataasivik ilitsersuummik ilaneqarumaarpoq.

- Nakorsaatit pillugit ataatsimiititaliaq pillugu nalunaarut. Nalunaarut ataatsimiititaliap suliassai, katitigaanera suleriaasissaalu pillugit iluarsiiisutaajumaarpoq.
- Uumasunut nakorsaatit pillugit nalunaarut. Nalunaarut nersutitut nakorsaatinut tunngasuinnaat pillugit ajornartorsiutit pillugit malittarisassaqtitsissaaq (aamma ilanngullugit tigumminikkallartarnissamut piffissat, misissuinerit il.il.).
- Nakorsaatit nalunaarutigineqartussaasut pillugit nalunaarut. Nalunaarut nakorsaatit ilaannik innersuussinermi immikkut ittunik nalunaaruteqartussaannermik erseqqissaassaaq.
- Nakorsaatit naatsorsoqqissaarnerat pillugu nalunaarut. Nalunaarut naatsorsueqqissaarinissamut piunasaqaatinik erseqqinnerusunik maleruagassaqtitsissaaq.
- Nakorsaatit piseqqusaarutiginerat pillugu nalunaarut. Nalunaarut piseqqusaarutit imaannut piunasaqaatinik immikkut ittunik maleruagassaqtitsissaaq.

3. Aningaasaqarnikkut allaffissornikkullu pisortanut kingunissai

Nakorsaatit pillugit peqqussutip nutaap akuersissutigineqarneranut atatillugu naatsorsuutigineqarpoq nakorsaatit pillugit saaffiginnittarnerit amerlinissaat, peqataanillu nalunaarutit ingerlaavartumik suliarineqartarnissaannut iluusaattarnissaannullu, Lægemedelkomiteen-ip allaffissorneranut kiisalu nakorsaatit pisiassat akiisa aalajangertarnissaannut sulisunik amerlanernik pisariaqartitsilernissaaq. Ataatsimut isigalugu Peqqissutsimut Pisortaqaarfimmi inatsisilerituup ataatsip ukiumut suliassaasa 0,33-imik ilaneqarnissaat pisariaqartinneqarpoq. Peqqissutsimut Pisortaqaarfiup ataatsimoortumik aningaasartuutai, aningaasartuutit sulisunut attuumassuteqartut ilanngullugit ukiumut 220.000 kr.-nik amerlassuseqarput maannalu akuersissutinit tiguneqassallutik.

Nakorsaatit pillugit peqqussutip nutaap eqqunneqarnerata peqatigalugu kingunerissavaa, Nuummi Nuna tamakkerlugu nakorsaataasiviup amerlanernik suliassaqaalernera. Nakorsiartarfiup nakorsaataasivia ilaatigut nuna tamakkerlugu arlalinnik suliassaqaalissaaq. Suliassat nutaat ilaatigut ilagilissavaat nakorsaatinik qitiusumik pisiniarnermut akisussaaffik, nakorsaatit naatsorsoqqissaarnerisa ukiumoortumik suliarineqartarnerat, nakorsaatinut pisiassanut akigitinneqartut, pisiassat suunerinik misissuisarnerit, niuertarfinnut akuersissuteqarnerit, sinerissamut misissuiartorluni angalanerit kiisalu nakorsaatinut akisussaasunut siunnersuineq ilitsersuutinillu suliaqarneq. Ataatsimut isigalugu Nuna tamakkerlugu nakorsaataasivimmi Nuummiittumi nakorsaasiortumut ataatsimut ukiumut 0,66-imik ilasisoqarnissaa pisariaqartinneqarpoq. Nakorsiartarfimmut ataatsimoortumik aningaasartuutit, aningaasartuutit sulisunut sinerissamullu angalanermut

attuomassuteqartut ilanngullugit ukiumut 530.000 kr.-nik amerlassuseqarput maannalu akuersissutinit tiguneqassallutik.

Suliassa qarfinni allani:

- Nakorsaatit pillugit Ataatsimiititaliaq: Nakorsaatinik akuersisarnermi allaffissornikkut suliassa qarnerulissaaq. Aningaasatigut kingunissai nakorsaatileriffimmut tunngatillugu ilanngullugit naatsorsorneqareersimapput.
- Peqqinnissakkut Nakkutilliisoqarfik: Nakorsaatit pillugit pilerisaarutinut nakkutilliisussaassaaq, tamannalu aningaasartuutaanerussangatinneqanngilaq.
- Peqqissaaveqarfiit: Kinguneqartussaannngilaq.
- Nersutininut tunngasut: Kinguneqartussaannngilaq.
- Kommunit: Kinguneqartussaannngilaq.

4. Aningaasaqarnikkut allaffissornikkullu inuussutissarsiuteqarnermut kingunissai

Kalaallit Nunaanni inuussutissarsiuteqarnek sunnerneqarumaarpoq, tassami nakorsaatit pillugit inatsisip allannortiterneqarnerani siunertat ilagimmassuk Kalaallit Nunaata EU-llu akornanni uumasut pillugit isumaqatigiissutip inatsisitigut iluarsineqarsimanissaa. Tamatumali kinguneriumaagai naatsorsorneqarsinnaanngillat, isumaqatigiissutip imarisassai maannakkut ilisimaneqanngimmata. Isumaqatigiissutit nunanut allanut tunisartakkanut qanoq sunniuteqarnissaat naatsorsorneqarsinnaanngillat, tunisat apeqqutaassammata.

5. Avatangiisinut pinngortitamullu kingunissat

Siunnersuut avatangiisinut pinngortitamullu tunngasutigut kinguneqartitsissanngilaq.

6. Innuttaasunut allaffissornikkut kingunissat

Siunnersuut innuttaasunut allaffissornikkut kinguneqartitsissanngilaq.

7. Kingunerisinnaasat annertuut allat

Siunnersuut kingunerisinnaasanik annertuunik allanik nassataqassanngilaq.

8. Naalagaaffeqatigiinnermut aamma namminersulivinnermut tunngasut

Allannguut Legemiddelstyrelsimik suleqateqarnermut allannguissaaq Kalaallit Nunaat siunissami nammineq nakorsaatinik akuersisalertussaammat.

9. Oqartussat kattuffiillu tusarniaaffigineqarnerat

Peqqussutissatut siunnersuut ukununnga nassiullugu tusarniutigineqarsimavoq:

Naalakkersuisut Allattoqarfiat, Inatsisileriffik, Aningaasaqarnermut Pisortaqaarfik, Ilaqutariinnermut Pisortaqaarfik, Inuussutissarsiornermut Pisortaqaarfik, Nersutinut tunngasunut immikkoortortaqaarfik, Avatangiisinut Pinngortitamullu Pisortaqaarfik, Akileraartarnermut Pisortaqaarfik, Kalaallit Nunaanni Kisitsisinik Naatsorsueqqissaartarfik, Peqqinnissakkut Nakkutilliisoqarfik, Dronning Ingridip Napparsimmavissua, Peqqissaaveqarfinnik Aqutsivik, Peqqissaanermik Ilinniarnik, Kalaallit Nunaanni Nakorsaait pillugit Ataatsimiititaliaq, Nuummi nakorsaataasivimmi nakorsaasiortuuneq, KANUKOKA, KANUNUPE, Pituffimmi Innuttaasut isumalioqatigiissitaat, Kalaallit Nunaanni Nakorsat Peqatigiiffiat, Kalaallit Nunaanni kigutit nakorsaasa peqatigiiffiat, Peqqinnissaq Pillugu Kattuffiit (PPK), Kalaallit Nunaanni Peqqissaasut Kattuffiat (PK), Kalaallit Nunaanni sulisitsisut Peqatigiiffiat, Mittarfeqarfiit, Sulisitsisut kattuffiat ILIK, Air Greenland, Arctic Umiq Line A/S (Umiarsuaatileqatigiit), Kalaallit Nunaanni Brugsenit (KNB), Pilersuisoq, Greenland Contractors, Kalaallit Nunaanni Naalagaaffiup Sinniisoqarfia, Kalaallit Nunaanni Politimesteri, KAS Centralapoteket, Inatsisit atuutsinnerannut ministeriaqarfik, Nunap Iluani Pissutsinut Peqqinnissamullu ministeriaqarfik, Peqqinnissaqarfimmik Aqutsisoqarfik, Nakorsaait pillugit Aqutsisoqarfik, Inuussutissat pillugit ministeriaqarfik, Inuussutissanut Pisortaqaarfik, Illersornissamut ministeriaqarfik, Kangilinnguani Sakkutooqarfik, Danmarkimi Nakorsaataarniat Peqatigiiffiat, Danmarkimi Nakorsaasiortut peqatigiiffiat aamma farmakonomit peqatigiiffiat.

Makku akissuteqanngillat: Kalaallit Nunaanni Naatsorsueqqissaartarfik, Dronning Ingridip Napparsimmavissua, Peqqissaanermik Ilinniarnik, Kalaallit Nunaanni Nakorsaait pillugit Ataatsimiititaliaq, KANUNUPE, Kalaallit Nunaanni Kigutilerisut Peqatigiiffiat, Kalaallit Nunaanni Peqqissaasut Peqatigiiffiat, Kalaallit Nunaanni Sulisitsisut Peqatigiiffiat, Mittarfeqarfiit, Air Greenland, Arctic Umiq Line A/S (Umiarsuaatileqatigiit), Kalaallit Nunaanni Brugsenit, Greenland Contractors, Inatsisinik atortitsinermut Ministeriaqarfik, Nunap iluani pissutsinut Peqqinnissamullu Ministeriaqarfik, Inuussutissanut tunngasunut Ministeriaqarfik aamma Kangilinnguani Sakkutooqarfik.

Tusarniaanermut atatillugu peqqussummi annikinnerusunik allannguutit ilanngunneqarput. Ilaatigut arlalinnit kissaateqartoqarneratigut "peqqissaanermik suliallit" pillugit nassuiaat ilanngunneqarpoq. Tamatuma saniatigut nassuiaatit aqqissuunnerannut tunngasunik allannguutit mikisualuit ataasiakkaat ilanngunneqarput.

Peqqussutissatut siunnersuutip aalajangersagartaanut ataasiakkaanut nassuiaatit

§ 1-imut

Aalajangersakkami imm. 1-imiipput nakorsaatit nassuiaaserneqarnerat. Nassuiaammi pineqartut europamiut nakorsaatit pillugit peqqussutaanni EU-mi nassuiaatigineqartunut naapertuupput. Nioqqutissat taamaallaat inuit uumasullu timaannut akuliutsinneqartussat imaluunniit amermut ameraasamulluunniit sunniuteqartussat imaluunniit nioqqutissat timip atortuinut sunniuteqartussat aammalu inuit uumasullu nappaataannut katsorsaanermit pinaveersaartitsinermulluunniit naleqquttut nakorsaatit naatsorsuutigineqarput, assersuutigalugu naartunerit pinaveersaartinnissaannut kipitinnissaannulluunniit nakorsaatit nakorsaatit isigineqartut. Nassuiaat annertungaatsiartunut tunngavoq, assersuutigalugulu akiuussutissat, serummit hormonillu ilaatinneqarput.

Peqqussummi uumasunik kapuinissat serumilluunniit pineqanngillat tamakku naalagaaffiup ataani inissisimmamata. Tassa uumasunut kapuutissat, serat assigisaasaluunniit nioqqutissiarinissaannut Inuussutissianut, Nunalerinermut Aalisarnermullu Ministeriaqarfimmit immikkut ittumik akuersissuteqarnissaq piunasaqaataavoq, takuuk uumasut nakorsaasa suliaat il.il. pillugit inatsisip Kalaallit Nunaannut atortuulersinnera pillugu peqqussummi § 24, imm. 2, soorluttaaq laboratoriat uumasut nappaataannik suussusersisarfiit pilersinnissaannut ingerlannissaannullu immikkut ittumik akuersinissaq piunasaqaatigineqartoq.

Peqqussummi aamma ilanngunneqanngillat inuussutissiat inuulluarniutillu, uumasut nerisassaat, nerisanut nerukkaatissanullu tapertat, ilanngullugit vitaminit mineralpreparatillu kiisalu nioqqutissiat ammip qaavatigut atugassiat kusassaatit, naak nioqqutissat taamaattut ilaatigut timip atorneranut sunniuteqartussatut oqaatigineqarsinnaagaluartut taamaalillutillu nakorsaatit nassuiaataasa ataannut inissinneqarsinnaassagaluartut.

Nakorsaatit akerliannik nakorsaatinut atortut timinut akuulersinneqartanngillat aammalumi nakorsaatitortitsinikkut, timip inuussutissaminik suliarinninneranut sunniuteqartitsinikkut imaluunniit tunillatsitsinaveersaarnikkut sunniuteqartaralik. Nakorsaatinut atortunut assersuutigineqarsinnaapput: kapuutit, kanylit, pilattaanermi atortut, qamutit kaassuartakkat. EKG-apparatit, ultralydscannerit, tusartaatit, pacemakerit, siffiaasat, nerriviit pilattaaviit, kigutit nakorsaasa atortui sakkuilu, isarussat allarpasuillu. Aamma taaneqarsinnaapput mattutit (tarnutinik il.il. akusaanngitsut) aamma timikkut pinaarveersaartitsinermi atineqartartut, soorlu usuup puui pessarillu (amma anisuup akuunik toqoraatitallit) kiisalu spiralit. Pisiniarnissamik Danmarkimik isumaqatigiissutit pissutaallutik nakorsaasarnikkut atortut ajornartorsiutitaqarput, soorlu pitsaassusissamik piunasaqaatit, isumannaatsuunissaq, sunniuteqarsinnaassuseq, suussutsit akuersissutigisarnerat, atortut assigisaasalu nakorsiarfarfinni misilerarneqarnerat, taakku toqqaannanngikkaluamik maleruagassaqartitaammata nakorsaatitigut atortut pillugit qallunaat inatsisaanni nr. 1046-mi 17. december 2002-meersumi.

Peqqussummi aporfissaqartinneqassanngillat qallunaat nunallu allamiut illersornissatigut atortulersuuteqarfii, umiarsuit sorsuutit sakkutuullu silaannakkut angallataasa Kalaallit Nunaanni suliaqarsinnaanerit nakorsaatit akuersissutiginnissaat pillugu qinnuteqarnissamik pisussaaffittaqaanngitsumik nunamit angerlarsimaffigisamit nassatat pissarsiarineqartussalluunniit. Sakkutooqarnermut aammalu kalaallit nakorsaatitigut aqutsinerannut pisariaqaanngitsumik suliakkersuutaassaaq illersornissatigut sakkutuut ileqquusumik pissarsiariffigisartakkatik aqutugalugit namminneq aporfissartaqaanngitsumik pilersorsinnaassanngippata. Tassani pisariaqarpoq nakorsaatit eqqussukkat illersornikkut atortulersuuteqarfinni taamaallaat atorsinnaanissaat sumiiffinnilu sakkutuunit sakkutuujunngitsunillu pisariaqarpallu ilaqutaannit tikeraartiinillu atorneqarsinnaanissaat. Akerlianilli inuiaqatigiinnut eqqaamiuusunut nakorsaatinik nioqquteqartarnissaq tunniussisarnissarlunniit aalajangersakkami matumani inatsisitigut tunngavissaqartinneqanngilaq. Napparsimasup illersornissamut atortulersuuteqarfimmi katsorsarneqartup nakorsaatit tunniunneqartut nammineq atugassani "annissinnaavai".

§ 2-mut

Nakorsaataasivik nakorsaatinut susassaqaarfimmi qitiusumik allaffissornikkut suliffeqarfittut pilersinneqarsinnaavoq. Suliffeqarfiup suliassaa pingaarneq tassaassaaq Nakorsaatit pillugit Ataatsimiititaliamut allattoqarfittut kiffartuussineq tassungalu tunngatillugu ataatsimiititaliaq nakorsaataasivimmud suliassiinnaavoq. Peqqusut suliffeqarfimmut allanik suliassiinnaanngilaq, Naalakkersuisulli nalunaarutit peqqusut manna malillugu pilersinneqartut aqutugalugit nakorsaatileriffik allaffissornikkut suliassissinnaavaa, ilanngullugu suliat piareersarnissaat aalajangiinissamullu oqartussaanerit. Nakorsaatileriffik maannamut Peqqissutsimut Pisortaqaarfimmi aalajangiinnaasunik ingerlatsivilimmi kiisalu nakorsaatitigut inatsisinik nakkutiginninnissamut aserfallatsaaliisussatut pingaarnertigut akisussaasumi inissinneqarallassaaq. Ingerlatsinerup nakorsaatileriffimmik taaneqarneratigut (Peqqissutsimut Pisortaqaarfittut taamaallaat taanagu) Peqqissutsimut Pisortaqaarfimmi immikkoortutut aalajangersimasutut inissinneqarnissaa siunniunneqarpoq. Naatsorsuutigineqarpoq immikkoortorta q aalajangersimasunik suleriaaseqarlunilu suleqateqalissasoq, taamaalilluni Nakorsaatit pillugit ataatsimiititaliap allattoqarfikkut isumagineqarnera nakorsaatileriffimmullu suliakkiissutaajunnartut allat sapinngisamik allanngujitsunik atugassaqaartinneqarsinnaaqqullugit. Nakorsaatileriffimmik peqqusutikkut immikkut ittumik pilersitsinikkut immikkoortortap kingusinnerusukkat nuunneqarnissaa imaluunniit nammineernerulerluni ingerlalernissaa aamma ajornarunnaassaaq.

§ 3-mut

Aalajangersakkakkut Kalaallit Nunaannut Nakorsaatit pillugit ataatsimiititaliap atuuttup taartissaanik Nakorsaatit pillugit ataatsimiititaliamik pilersitsinissamut inatsisitigut tunngavissiisoqarpoq.

Manna tikillugu ataatsimiititaliaq Nuup nakorsa qarfiani nakorsaatinut ataatsimiititaliamik ulloq 22. februar 1978-imi pilersitsinneqartumit naggueqarpoq. Kalaallit Nunaannut Ministeriaqarfiup peqqussuteqarnera tunngavigalugu ataatsimiititaliaq kingusinnerusukkut nakorsaait pillugit nuna tamakkerlugu innersuussuteqartarnissaminut suliakkerneqarpoq nakorsaait suut nappaatinut assigiinngitsut atorneqassanersut nalunaarsornissaannut. Nalunaarsuiffik tamatuma kingorna taaneqartalerpoq "Nakorsaait pillugit najoqqutassiaq".

Ataatsimiititaliap nutaap ataatsimiititaliatoqqap suliai pingaarnertigut ingerlateqqissavai. Nakorsaait pillugit ataatsimiititaliaq aalajangiisartuunani siunnersuisuussaaq, aalajangiisinnaatitaaneq Naalakkersuisuniissamat. Ataatsimiititaliali suliatigut siunnersuisarnera aalajangiisarnerni taakkunani annertuumik pingaaruteqartussaassaaq, minnerunngitsumik peqqussummi § 7, imm. 3 malillugu ataatsimiititaliaq inatsisit naapertorlugit tusarniaaffigineqartartussaammatt. Taakku saniatigut ataatsimiititaliap suliatigut naliliisarnera ataatsimiititaliamiit inassuteqaataasartut tunngavigalugit aalajangiisarnissanut § 6-imi aamma § 7-imi pingaaruteqartussaapput. Tamatuma saniatigut Nakorsaait pillugit ataatsimiititaliaq ilaatigut atuartitsinissamut pilersaarutit ilusilersornissaannut nakorsaaiterinermillu nakorsaaitillu passunnissaannut atortunik atugassanik ilinniartitsinermi siunnersuisassaaq.

Nakorsaait pillugit Ataatsimiititaliaq aamma nammineq suliniuteqarnermigut Naalakersuisunut siunnersuuteqarnissamut saaffiginninnissamullu periarfissaqarpoq. Matumani pineqarsinnaapput nakorsaait passunnissaat, sumut atornissaat atugarinissaallu pillugit ajornartorsiutit taakku sunniutilimmik iliuuseqarfiginissaannut ataatsimiititaliap oqartussaaffii naammangikkaangata.

§ 3-mi, imm. 4-mi Naalakkersuisut inatsisitigut tunngavissinneqarput ataatsimiititaliap katitigaaneranut suliaanullu, ilanngullugit ataatsimiittarnissat assigisaasalu erseqqinnerusunik maleruagassaqartinneqarnissaannut aalajangersaanissamut.

§ 4-mut

Ataatsimiititaliaq nakorsaait pillugit najoqqutassiussaaq tamannalu pillugu tamanut ammasumik nalunaaruteqassalluni (nakorsaait sorliit nappaatinut aalajangersimasunut atornissaannik innersuussutinik nalunaarsuiffiliussaaq), pituttuisuususaanngitsumik, taamaallaallu maleruagassatut inissimasussamik. Najoqqutassiassami siunertarineqassaaq nakorsaatinik atuinerup pisariillisarnissaa annikillisarnissaalu katsorsaanerup sunniuteqarluarnissaa, aningaasaqarneq, isumannaatsuunissaq katsorsaasarnermilu ileqquliussassat eqqarsaatigalugit, inuit nakorsaatinik innersuussisut najoqqutassap maleruarnissaanut pisussaaitaaffeqarnissaat pisariaqarmat. Taamaattumik imm. 2-mi pingaarutilimmik inassuteqarnernut unioqqutitsinnginnissamut iliuuseqarsinnaaneq periarfissaqartinneqarpoq. Taama pisoqartillugu ataatsimiititaliaq Nuna tamakkerlugu nakorsaataasivimmit imaluunniit inniminniisumit nassuiaataasumik oqaaseqaateqaqqusisinnaavoq.

§ 5-imut

Aalajangersakkap imm. 1-mi oqaaseq "nakorsaatinik passussineq" nassuiaateqarfigaa, tassa peqqussummi matumani tamanna pillugu malittarisassanik piunasaqaatinillu aalajangersimasunik ilanngussaqqarmat. Passussineq pillugu oqaatsimi pineqarput nakorsaatiq tiguneqarneraniit poortorneqarsimalluni napparsimasumut tunniunneqarnissaata tungaanut iliuseqarfigineqartarnera. Imaappoq napparsimasup nakorsaatiornissaanut napparsimmaveqarfiup akisussaanagera aalajangersakkami pineqanngilaq, tassa tamanna inummit peqqissaasutut sulialimmit suliaminut paasisimannittussatut akisussaaffigineqarmat. Uumasunut nakorsaat pineqartillugu passussinermik oqaariaaseq uunga killeqartinneqarpoq piffissamut nakorsaatit uumasumik piginnittumut tunniunneqarfigisaanut. Pisiniarfinnut tunngatillugu aalajangersakkami pineqarpoq piffissaq pisisup nakorsaammik tigusiffia.

Nakorsaatinik poortueqqinneq erseqqissumik oqaatigineqarpoq tamanna passusseriaasiusoq akuerisaasoq. Mikinernut poortueqqinneq, aamma atuisunut poortuineq ilanngullugu, Kalaallit Nunaanni qangali atornerqarluartuuvooq, tamannami atoruminartuullunilu aningaasartuutitigut sipaarutaasarmat. Poortueqqinnerli aamma kukkuluttortoqariataarsinnaanermut aammalu siunertaanngitsumik pisoqariataarsinnaanermut pissutaasinnaavoq. Taamaattumik nakorsaatinik poortueqqinnerup isumannaatsuunissaa eqqarsaatigalugu imm. 2-mut inatsisitigut tunngavissaq ilanngunneqarpoq, tassa nakorsaatinik pissarsiniartarneq passussissarnerlu pillugit maleruagassat erseqqinnerusut Naalakkersuisut atortuulersissinnaammattigik. Maleruagassani ilaasariaqarput poortueqqinneq pillugu isumannaallisanaanermik maleruagassat erseqqinnerusut.

§ 6-imut

Aalajangersagaq nakorsaasiorneq pillugu malittarisassaqqartitsivoq. Maannakkut Kalaallit Nunaanni suliffissuarni nakorsaasiornermik ingerlatsisoqanngimmat, peqqinnissaqqarfimmi sulisut uumasullu nakorsaat akuersissummik pigisaqqartut aqqutigalugit namminerisamik katitikkanik nakorsaasiorsinnaaneq imm. 1-mi malittarisassaliunneqarpoq. Namminerisamik katitikkamik nakorsaatit nakorsaataapput napparsimasumut aalajangersimasumut atugassatut nakorsap ilitsersuussinera naapertorlugu nakorsaasiat. Taamatut nakorsaasiorsinnaaneq nakorsanut, uumasut nakorsaannut nakorsaasiortunulluunniit akuerisaavoq, siunissamili sanaartortuusup tunisassiassallu Nakorsaatit pillugit ataatsimiititaliamut siumut nalunaarutetarnissaq piunasaqaataasalissaaq. Nalunaaruteqarneq Nakorsaatit pillugit ataatsimiititaliamut ingerlatinneqqartassaaq kiisalu nakorsat nakorsaasiortullu eqqarsaatigalugit Peqqinnissakkut Nakkutilliisoqqarfimmutaaq ingerlatinneqqartassalluni. Nalunaaruteqqartarnikkut Nakorsaatit pillugit ataatsimiititaliaq ilisimatinneqqartassaaq nunami maani nakorsaasiornikkut nakorsaatit suut pisariaqqartinneqqartut naammassineqarnerusut. Peqqinnissakkut Nakkutilliisoqqarfimmut nalunaaruteqqartarnissap piunasaqaatigineqarneranut pissutaavoq nakorsanut nakorsaasiortunullu nakkutilliisutut nakkutilliisoqqarfiup

siunertanut sunut qanorlu annertutigisumik namminerisamik katitikkanik nakorsaasiernerit malinnaaffigisariaqarmagit.

Nalunaaruteqartussaataaneq aalajangersagaavoq, namminerisamillu katitikkanik nakorsaasiorneq siumut nalunaarutigineqarsimanngitsoq akiliisitsinermik pineqaatissinneqarnermik kinguneqarsinnaalluni, § 24, imm. 1, takuuk.

Imm. 2 naapertorlugu imm. 1-imi taaneqartut saniatigut allatigut pisoqartillugu nakorsaasiorneq aatsaat akuerineqarsimasussaavoq Naalakkersuisut tunisassiamik aalajangersimasumik sanaartornissamut tunisassiortumut aalajangersimasumut akuersissuteqarsimappata. Naalakkersuisut taamaalillutik inuussutissarsiutigalugu sanaartorneq aammalu inuit ataasiakkaat imm. 1 naapertorlugu namminerisamik katitikkanik nakorsaasiorsinnaanermut akuersissutaateqanngitsut sanaartornissaat malittarisassaqtippaat. Akuersissuteqarnissamut piumasaaqatip sanaartornissatut eqqarsaatigineqartup nunami maani illersorneqarsinnaasumik ingerlanneqarsinnaaneranik Naalakkersuisut naliliinissaannut periarfissippai.

Imm. 3 naapertorlugu nakorsaasiornissamut akuersissuteqarnissamut nalunaaruteqartarnissamullu erseqqinnerusumik imm. 1 malillugu Naalakkersuisut malittarisassaliorsinnaapput aammalu imm. 2 malillugu nakorsaasiornissamut akuerineqarnissamut qinnuteqaatit pillugit akuersissutillu nalunaarutiginnissaat pillugit malittarisassiorsinnaallutik. Aalajangersagaq ilaatigut atorneqarsinnaavoq imm. 2 naapertorlugu akuersissutinik tunniussinissamut allaffeqarfiup piginnaatinneqarnissaanut.

§ 7-imut

Aalajangersagaq taanna manna tikillugu periusaasimasumut taartaavoq, tassa nakorsaat qallunaat oqartussaasuinit akuerineqarsimaguni Kalaallit Nunaanni akuerisaasutut isigineqartarsimagaluarimat. Taamatut periuseqarneq 1992-imi peqqinnissaqarfiup tiguneqarnerata kingorna inatsisitigut nalornissuteqartitsingaatsiartarsimavoq, nunami maani innuttaasut inatsisitigut inissisimanertik paasiniarlugu qallunaat inatsisaannik ilisimannittariaqarlutillu malinnittariaqartarsimammata. Aammattaaq taamatut periuseqarneq tunngavigalugu nakorsaatnik eqqussuineq agguuassisarnerlu pillugit Naalakkersuisut nunami maani aqutsinissaminnut malittarisassaliornissaminnullu killeqangaatsiartumik periarfissaqarsimapput.

Siunissami nalunaarutitigut nakorsaatit ataasiakkaat akuerisaanerat allattuiffitsigut ajunngitsumik Naalakkersuisut aalajangersartalissavaat, allattuiffimmi B-miissallutik nakorsaatit innersuussutigineqartussatut akuerisaasut allattuiffimmilu H-mi nakorsaatit pisiarineqarsinnaasutut akuerisat allassimassallutik. Taakku saniatigut nakorsaatit nalunaarutigineqartartussaasut allattuiffimmi A-miissapput, taamaalillunilu nakorsaatit ueriffiusinnaasut pillugit innersuussisarnermik nakkutilliineq sakkortusitinneqarsinnaalluni. Allattuiffinnut taaguutit pingasuusut A, B aamma H Danmarkimi taaguutit atorneqartut assigalugit atorneqarput, nunami maani peqqinnissaqarfimmi sulisut akuersissutaateqartut amerlanertigut qallunaat

nakorsaatinut najoqqutassaaf ilinniarnikuusarmatigik imaluunniit ilisimasarmatigik. Taamaattumik nakorsaatinik atuinermi sulisut sungiusimariigaannik naalisaaneq atorineqarmat, minnerunngitsumik piffissami sivikitsuinnarmi tikisitatut sulisussanut tamanna isumannaallisaanerulluni.

Aalajangersakkap oqaasertai naapertorlugit allattuiffinni A, B aamma H-mi nakorsaatinik ilanngussinissaq Nakorsaait pillugit ataatsimiititaliap inassuteqarneranik tunngaveqartussaavoq, taamaalillutillu taakku suliamik paasisimasalittut nakorsaait nunami maani illersorneqarsinnaasumik atorineqarsinnaanera akisussaaffigissallugu. Nakorsaait aalajangersimasup immikkut ittunik malittarisassaqaarnissaanik ataatsimiititaliaq pisariaqartitsissagaluarpat, taakku katsorsaanissamut ilitsersuusiornikkut aalajangersarneqarsinnaassapput, assersuutigalugulu immikkut ilisimasalittut nakorsamik nakkutilliisoqartillugu nakorsaait aatsaat atorineqarsinnaasut inassutigineqarsinnaalluni.

Imm. 2-mi aalajangersagaq tassaavoq nakorsaatinik akuerisaanngitsumik eqqussuineramik, annissuineramik, tuniniaanermik, agguaassinermik, passussuineramik, tunniussuineramik innersuussuineramik il.il pisuusut akuliuffigineqarnissaannut § 24-
kkut pineqaatissiinissamut inatsisitigut tunngaviliinermut atatillugu inerteqqut. Taamaattumik aalajangersagaq politii, ilanngaaserisut, eqqartuussiviit il.il. inatsisinik eqqortumik atuutsitsinissaannut qulakkeerinnittoqataavoq.

"Naalakkersuisut akuersissuteqaqqaartinnagit"-mik oqaasertaliinikkut Naalakkersuisut allattuiffiini nakorsaatinik ilanngunneqarsimanngitsunik Naalakkersuisut immikkut ittunik akuersissuteqaarnissaannut periarfissiisoqarpoq. Napparsimasumut aalajangersimasumut nakorsaait aalajangersimasup atugassanngortinnissaanut Naalakkersuisut nalunaarutikkut allattuiffinnik nutarterinissaat utaqqineqarsinnaatinnagu pisunut nukinginnartunut aalajangersagaq atugassanngorlugulu eqqarsaatigineqarpoq. Naalakkersuisut sinnerlugit Peqqissutsimut Pisortaqarfik taamatut akuersissuteqaartassaaq.

Nakorsaait akuersisaasup sunniuttarnerata, ilakutaqarnerata imaluunniit pingaarutilitsigut allatigut tunisassiaq pillugu paasisutissat allaanerunerannik tunngavissaqartumik pasinnittoqarpat Naalakkersuisut inerteqquteqarsinnaanerannut imm. 3 periarfissiivoq. Taanna immikkut ittunik akuersissutit assigalugit pissutsinut pinartunut naatsorsuussaavoq, Naalakkersuisut allattuiffinnik iluarsiinissaat utaqqineqarsinnaanngikkaangat, napparsimasut isumannaatsumik pineqarnissaat pissutaatillugu. Nakorsaait akuerineqarsimasup ulorianaateqarsinnaaneranik paasineqaqqammersut pillugit innuttaasut illersorneqarnissaat aalajangersakkami siunertarineqarpoq, kiisalu nakorsaait pitsaassusissaannut innuttaasut tatiginninnerat illersorneqassaaq.

Nakorsaait pineqartup navianarsinnaanera qanoq nalilersorneqassanersoq kiisalu nakorsaammik allamik taarserneqarsinnaanersoq ilaatigut Nakorsaait pillugit ataatsimiititaliaq isummersortussaaf tusarniaaffigisinnarlugu aalajangiisoqartassaaq. Ataatsimiititaliamik tusarniaaneq pissussissamisut sivikitsuinnarmik piffissaqartitsilluni pisussaassaaq. Sivikitsuinnarmik piffissaliilluni ataatsimiititaliaq

katersorneqarsinnaanngippat siulittaasoq ataatsimiititaliaq sinnerlugu, ilaatigullu suliatigut attuumassuteqartut isumasioreerlugit, oqaaseqarsinnaavoq. Tusarniaaneq immaqa iluseqartinneqarsinnaavoq ataatsimiititaliap siulittaasuata allallu Naalakkersuisunik ataatsimeeqateqarsimanerata imaqarniliorneqarneratut. Naalakkersuisut tusarniaanermi akissummut pituttugaanngilaq, inerteqquteqarnissamilu mianersornissamut tunngaveqarnissaq qinersinnaallugu.

Inerteqquteqarnermut atatillugu aamma nakorsaammik pineqartumik uninngasuutigineqartut peerneqarnissaannik, utertinneqarnissaannik suujunnaarsinneqarnissaannilluunniit erseqqinnerusumik ilitersuuteqarnikkut Naalakkersuisut inassuteqarsinnaapput, tamannalu Nuna tamakkerlugu nakorsaataasiviup qullersaaniit pisinnaalluni. Nakorsaat pineqartoq atorlugu katsorsaanerit taamaattoqartillugu ingerlaannartumik unitsinneqassapput.

§ 8-mut

Nakorsaatinut akuerisaasunut tuniniarneqartunullu tunngatillugu Kalaalit Nunaata siusinnerusuklut Danmark malittarsimavaa. Taamaattumik Danmarkiminngitsunit nunanit allanit nakorsaatinik pisisoqarsinnaasarsimanngilaq, naak tamanna aningaasaqarnikkut pilerinarnerusinnaagaluartoq. Nunarsuarmi tamarmi pisiniarfusinnaasut tamakku iluaqutigisinnaajumallugit Nakorsaatit pillugit ataatsimiititaliap suliaasarilissavaa nakorsaatit akuersissutigisarnissaat, taakku nakorsaatit allattorsimaffiinut pingasuusunut Naalakkersuisunit akuerineqarsimasunut ilanngunneqarnissaasa inassutiginerisigut. Allattorsimaffinni allanguutissat inassutiginerisigut nakorsaatit peerneqarnissaat imaluunniit nutaat ilanngutitinneqarnissaat ataatsimiititaliap siunnersuutigisinnaavaa. Allattorsimaffiit minnerpaamik ukiumut ataasiarluni inassutigineqartassapput.

Ataatsimiititaliamiit inassuteqaateqartoqartinnagu Naalakkersuisut nakorsaammik nakorsaatit allattorsimaffiannut ilanngussisinnaanngitsut aappaatigut Naalakkersuisut pituttorsimanngillat nakorsaatip aalajngersimasup inassutiginerata malinnissaanut. Naalakkersuisut aamma nakorsaat allattorsimaffimmiit peersinnaavaat, ataatsimiititaliamiit tamanna inassutigineqanngikkaluarpalluunniit, taamatulli pisoqartillugu ataatsimiititaliap nakorsaat inassutigeqqissinnaavaa, pisariaqarpat allamik patsisilerlugu. Nakorsaatip allattorsimaffimmit A-mit, B-mit H-milluunniit peernissaa pillugu ataatsimiititaliap Naalakkersuisut qinnuigissappagit, tamannalu taamaallaat napparsimasup isumannaatsuunissaanik patsiseqarpat, kissaatigineqartup tamatuma nalinginnaasumik Naalakkersuisunit akuersissutigineqarnissaa naatsorsuutigineqassaaq. Taamaalilluni isumannaatsuutinneqassaaq nakorsaatit allattorsimaffik A-mi, B-mi H-milu ilanngunneqarsimasut tamarmik (suli) nakorsaatit pillugit ataatsimiititaliamit tapersorneqarnerat. Nakorsaatit pillugit ataatsimiititaliap aammattaaq periarfissaraa nakorsaatip atorineqannginnissaa tamakkiisumik inassutigissallugu, nakorsaat allattorsimaffik A-mi, B-mi H-miluunniit ilanngunneqarsimagaluarpalluunniit.

§ 9-mut

Imm. 1-imi aalajangersakkap Kalaallit Nunaannut nakorsaatinik qitiusumik eqqusuiffik Nuna tamakkerlugu nakorsaataasivimmi inissisimasooq aqquutigalugu eqqussuineq malittarisassaqtippaa. Tassunga ilaatinneqanngillat sakkutuunit atorneqartussanik sakkutooqarfinnut il.il. eqqussuinerit, takuuk § 1-imut nassuiaatit, kiisalu § 10-mi malittarisassat naapertorlugit nammineq atugassanik inuit nunamut isernerminni nakorsaatinik nassarsinnaanerit. Imm. 1-imi inerteqqummik unioqquitsinerit akiliisinneqartussanngorluni pineqaatissiinermik kinguneqarsinnaapput, § 24, imm. 1 takuuk.

Taamatut malittarisassaqaqarnermut tunngaviuvoq Nuummi nakorsaataasivik aqquutigalugu qitiusumik maannakkut Kalaallit Nunaannut eqqussuinerup isumannaatsumik nakkutigineqarnerata sunniuteqarluartup ingerlatiinnarnissaata kissaatigineqarnera. Ukiuni kingullerni ilaatigut internetti aqquutigalugu nakorsaatinik ungasianiit niuernerup inatsisinut naapertuunna pillugu tamatuma peqatigisaanik inatsisitigut nalornisoortarneq aalajangersakkap peerpaa. Taamatut niuernerq ajornartorsiortitsivoq, minnerunngitsumik tamanna nunani allani nakorsaatinik nalorninartumik imaluunniit annertuumik killilersorneqanngitsumik akuersissuteqarfigineqartartunik pisinermik kinguneqarsinnaammat. Taamatut niuernermi nalinginnaasumik illersorneqarsinnaasumik ilitsersuisoqarneq ajorpoq, soorlu aamma kalaallisut imaluunniit innuttaasup oqaasii atorlugit paasisutissanik allatanik, ilitsersuutininik mianersoqqussutinilluunniit qulakkeerinnittoqarsimaneq ajortoq. Taamatut niuernerq nassuiaaneq tunngavigalugu siunissami inuit peqqinnissaannut annertuumik ulorianaateqarsinnaasooq peqqussummi akuerineqanngilaq.

Nuna tamakkerlugu nakorsaataasiviup eqqussuinermi qitiusumik inissisimanerata nammineerluni niuernerne ataasiakkaani imaluunniit nakorsaatinik nassiusuinermi nakorsaataasiviup peqataasarnissaa pisariaqartinngilaa. Nunali tamakkerlugu nakorsaataasiviup nakorsaataarniarfinnik tuniniaasussanik qinersinissaq aalajangigassaraa, Nunalu tamakkerlugu nakorsaataasiviup qullersaata nakorsaatinik pisiortortut piginnaatillugillu nakkutigisussaavai, tassa inuit niuerfinni taakkunani nakorsaatinik pisiniarsinnaanerit eqqarsaatigalugu.

Imm. 2 naapertorlugu Nuna tamakkerlugu nakorsaataasiviup qullersaanit piginnaatitsineq tunniunneqassaaq, nunamilu maani pisiortortunut tamanut tamanna atuuppoq, aamma pisortat napparsimmaviini nakorsaatinut akisussaasunut, peqqinnissamik namminersorlutik suliaqartunut, uumasut nakorsaannut niuertarfinnilu nakorsaatinik pisiassanik tuniniaasunut. Nakorsaatinik pisiortorneq passussinerlu pillugit malittarisassat kiisalu niuertarfiit nakorsaatinik pisiassanik il.il. passussisarnerat pillugit malittarisassat nunami maani atuuttut malillugit nakorsaatinik uninngasuuteqarnermut inunnut aalajangersimasunut ataasiakkaanut akisussaasunut piginnaatitsineq tunniunneqartarpoq.

Nuna tamakkerlugu nakorsaataasiviup qullersaa pisussaavoq inuit nakorsaatinik pisiniartussatut piginnaatinneqartut unioqquitsinatik illersorneqarsinnaasumillu taakkuninnga passussinerannik nakkutiginninnissamut. Pisiniartup tungaaniit malittarisassanik unioqquitsisoqarneranik tunngavissaqartumik pasinartoqarpat imm. 2-mi 2. naapertorlugu Nuna tamakkerlugu nakorsaataasiviup qullersaata imm.

2-mi 1. naapertorlugu akuersissutini utertissinnaavaa. Taamatut aalajangerneq kiisalu akuersissuteqarnissamut qinnuteqartoq Nuna tamakkerlugu nakorsaataasiviup qullersaata itigartippagu, Naalakkersuisunut naammagittaalliorfiusutut suliassanngortitsissutigineqarsinnaavoq, imm. 3 takuuk. Naalakkersuisut aalajangiinerat allaffissornikkut oqartussaasunut allanut suliassanngorteqqinneqarsinnaanngilaq.

§ 10-mut

Inuit angalasut nunamut isernerminni nakorsaatiniq nammineq atugassanik, piffissamilu najugaqarnissami naatsorsuutigisap sinnersimassanngisaanik, sivisunerpaamilli qaammatini pingasuni atugassanik, eqqussisinnanerat imm. 1-imi aalajangersakkami qulakkeerniarneqarpoq.

Nakorsaatiniq nalunaarutigineqartussaasunik angalasoq nassataqarpat imm. 2 naapertorlugu eqqunneqartut ulluni 30-ni atugassanik annertunerussanngillat. Aammattaaq taamaattoqartillugu piumasarineqassaaq uppersaammik nassartoqassasoq, nunami najugaqarfimmi oqartussamit piginnaatitaasumit tunniunneqarsimasumik imaluunniit uppersarneqarsimasumik, angalakup nakorsaatiniq pisariaqartitsineranik uppersaasumik.

Naalakkersuisut imm. 3-mi piginnaatinneqarput nakorsaatit eqqunnissaannut anninnissaannulluunniit malittarisassiornissamut. Malittarisassani minnerpaamik aalajangersarsimasariaqarput ataani pineqartut.

Angalasoq Kalaallit Nunaanni najugaqartuuppat imm. 3-mi tunngavissiaq naapertorlugu uppersaatip ilusilersornera Naalakkersuisunit aalajangersarneqassaaq. Angalasoq Danmarkimi nunaniluunniit allani najugaqarpat nunami tassani naalagaaffiup malittarisassai naapertorlugit uppersaat ilusilersorneqarsimassaaq. Nunat, Kalaallit Nunaat Danmarkilu assigalugit Schengenimi suleqatigiinnermi peqataasut, uppersaammik Schengenimi isumaqatigiissut naapertorlugu ilusilersukkamik atuissapput. Napparsimasup nunamut isernermini nakorsaat nammineerluni nassassavaa. Aalajangersagaq manna naapertorlugu nammineq atugassanik allakkatigut imaluunniit nassiussatigut allatigut nakorsaatiniq eqqussinissaq inertequtaavoq.

Tunngavissiinerup nakorsaatiniq annissuineq pillugu malittarisassaliorsinnaanissamut Naalakkersuisut periarfissaqalersippai, aamma uppersaatit ilusilersornissaat pillugu malittarisassaliorsinnaanissamut periarfissiivigalugit, peqqussulli nammineq nakorsaatit annissornissaannut erseqqinnerusumik malittarisassiornissamut malittarisassaqartitsinngilaq.

§ 11-mut

Aalajangersakkap inuit peqqinnissaqarfimmi sulisut imaluunniit nakorsaatiniq eqqussinissamut, passussinissamut innersuussinissamulluunniit akuersissuteqartut

pisussaatipai nakorsaatip ilakutaqarneranik siunertarineqanngitsumillu pisimasoqartillugu nakorsaatinik atuinnermi malugisimasaminnik, namminneq maluginiakkaminnik imaluunniit napparsimasup tamanna pillugu paasissutissanik tatiginartunik tunniussaanic nalunaarutiginninnissaannut. Pisussaaffiliineq taamaallaat inunnik katsorsaanermut atuuppoq, pisuni § 11, imm. 3-mi aalajangersagaq tunngaviliisoq naapertorlugu Naalakkersuisut allaanerusunik malittarisassaliorsimangippata.

Nalunaarutiginninneq pissaaq erseqqinnerusumik innersuunneqarnikkut Naalakkersuisunut, taakkulu paasissutissat taakku kinaassutsimut ilisarnarunnaarsarlugit imaluunniit inuup kinaassusianik nalunaaruteqarlutik (ilisarnarunnaarsagaanngitsumik) kalaallit nunallu allamiut oqartussaasuinut attuumassuteqartunut ingerlatitseqqissinnaapput. Paasissutissanik ingerlatitseqqinneq inatsisinut allanut akerliussanngilaq, taakkununga ilaallutik ingerlatsinermi nalunaarsuisarnermilu inatsisitigut malittarisassat kiisalu napparsimasut inatsisitigut inissisimanerat pillugu inatsisartut peqqussutaat.

§ 12-imut

Aalajangersakkap § 7, imm. 1-imi nr. 3-mi taaneqartutut allattuiffinnut innersuussilluni nakorsaatit pisiassat nassuiarpai. Nakorsaatit pisiassat nakorsaatinit innersuussutigineqartartunit nalinginnaasumik allaanerusutigaat inuit ulluinnarni pisariaqartitaannut tunngasuugamik inunnillu ajornanngitsumik passunneqarsinnaallutillu aqunneqarsinnaagamik. Nakorsaatit pisiassat assersuutissat taassaapput nipaallisaatit sakkukitsut, nuaarsaatit aalajangersimasut toqqusaarlunnermullu nakorsaatit milluartakkat. Nakorsaatit pisiassat allatorneqarnerisigut taamaattumik taakkua malittarisassiuunnissaannut periarfissaqalerpoq, nakorsaatillu taakkua nakorsaatissiissutigineqartartussaaitanut ilaatinneqanngillat, agguanneqarsinnaanerallu oqilisaassivigineqarluni. Tassa taamaalilluni inuit pisariaqartitsinertik naapertorlugu nakorsaatinik pisiassanik peqqinnissaqarfik akuliutseqqaarnagu ajornannginnerusumik pissarsisinnaapput.

§ 13-mut

Aalajangersakkami malittarisassiuunneqarpoq kikkut nakorsaatinik pisiassanik inunnut pilersuisinnaanerat.

Nr. 1-mi pineqarpoq peqqinnissaqarfimmiit, tamatumalu ataani najukkami napparsimavimmiit, kigutileriffimmiit imaluunniit peqqissaavimmiit tunniussisarneq. Tunniussineq akeqanngitsumik akiliinikkulluunniit pisinnaavoq, takuuk peqqinnissaqarfiup sullissinera pillugu inatsisartut peqqussutaat.

Nr. 2-mi pineqarput uumasut nakorsaat, susassaqarfimmik iluanni nakorsaatinik passussinissaminnut akuersissutaateqartut, nr. 3-milu pineqarput peqqinnissakkut sullissisut namminersortut peqqinnissaqarfimmi atorfinitsinneqarsimanngitsut nakorsaatinilli passussinissaminnut akuersissutaateqartut. Inuit taakku nakorsaatinik

pisiassanik tunniussinerminni akiliisisitsinnaanersut, inatsimmi allatigut aalajangersaasoqarsimangippat, Nuna tamakkerlugu nakorsaataarsivimmik taakku qanoq isumaqatigiissuteqarsimanerat apeqqutaasassaaq.

"Inuk peqqissaasoq" atorneqartillugu peqqussumi tassani pingaartumik pineqarput inuit peqqissaanermi akuersissummik pigisallit peqqissanermillu suliallit. Taaguulli pissutsit naapertorlugit aammattaq atorneqarsinnaavoq inunnut allanut, inuk peqqissaasutut akuerisaasoq sinnerlugu akisussaassuseqarfigalugulu ikiortitut iliuuseqartunut. Taamatut nassuiaammut naapertuuppoq napparsimasut inatsisitigut inissisimanerat pillugu inatsit nr. 482, 1. juli 1998-imeersoq naapertorlugu inuit peqqissaasut pillugit UFR 2004B359-mi nassuiaatigineqartut.

Nr. 4-mi niuertarfinniit tuniniaaneq aqputigalugu tunniussuineq malittarisassaqtinneqarpoq. Niuertarfiit aqputigalugit tuniniaasinnaanikkut ajornanginnerusumik inuit nakorsaatinik pissarsisinnaapput. Nakorsaatinilli pisiassanik niuertarfisigut niuersinnaaneq akuersissuteqarnissamik pisariaqartitsivoq, taamaalillunilu nakorsaatinik pisiassanik niuertarfiit passussinerat tuniniaanerallu illersorneqarsinnaasumik malittarisassallu aalajangersakkat malillugit ingerlanersoq nakkutigineqarsinnaalluni.

Imm. 2-mi Nuna tamakkerlugu nakorsaataasivik akuersissutinik tunniussisinnaanermut piginnaatinneqarpoq, tamatumalu peqatigisaanik tunniussisinnaaneq utertitsisinnaanerlu pillugit Naalakkersuisut erseqqinnerusunik malittarisassanik aalajangersaasinnaanermut piginnaatinneqarlutik. Tuniniaavinnut ataasiakkaanut akuersissuteqartarneq manna tikillugu akuersissuteqartarnertut, imaluunniit akuersissutit, assersuutigalugu niuertunut inunnut ataasiakkaanut akuersissuteqarnikkut tunniunneqartassanersut Naalakkersuisut malittarisassiaat apeqqutaajumaarput.

Niuertarfiit nakorsaatinik pisiassanik aalajangersimasunik minnerpaamik pisiassaateqarnissaannik, taamaalilluni taakkuninnga pisiniarfik toqqorsivimmiittuuteqartariaqarneranik Naalakkersuisut maleruagassiornikkut piumasaqarsinnaapput.

Aalajangersagaq aamma imm. 1 naapertorlugu akuersissutinik tunniussinermut akiliuteqartitsisinnaanissamut maleruagassiorsinnaanermik inatsisitigut tunngavissiivoq. Akiliut niuertarfiit aqputigalugit nakorsaatinik tuniniaasinnaanermut atatillugu Naalakkersuisunut aningaasartuutaasunut tamakkiisumik ilaannakuusumilluunniit matussutaassaaq, tamatumani pineqarput akuersissuteqarnissamut qinnuteqaatit allaffissornikkut aqunneqarnerannut, niuertarfinnik nakkutilliinermut atasumik kiisalu allagartat, peqqinnissaqarfimmi sulisut nakorsaatinik tunniussinermi siunnersuisinnaannginnerannut taarsiullugu nakorsaatit puuinut nassuiaatitut ikineqartartut suliarinerannut / nutsertinneqarnerinut atasumik aningaasartuutit, § 14 takuuk.

Nakorsaatinik pisiassanik pisisup atuisullu nakorsaat pineqartoq pillugu eqqortumik paasitinneqarnissaa qulakkeerniarlugu nakorsaatini pisiassani poortorneqarsimasuni tamani nakorsaatip sumik imaqarneranik nioqqutissamik paasissutissiisumik puuanut ikisamik allagartaqartitsisoqartassaaq. Allagartaq nioqqutissiamut tunngasunik paasissutissartaqassaaq, kalaallisut qallunaatullu allassimasumik, taannalu nakorsaatip puuata iluanut ikineqarsimassaaq imaluunniit nakorsaammut aalajangerluarlugu ikkunneqarsimassalluni. Taamaalilluni innuttaasup nakorsaammik pisiassamik nammineq pisariaqartitsinini naapertorlugu passussinissaa aqutsinissaalu ajornannginerulissaaq peqqinnissaqarfimmit akuliuffigineqanngitsumik.

Nakorsaatinik pisiarineqarsinnaasunik tuniniaasoq nakorsaat pillugu nassuiaatip peqqussutigineqartutut nakorsaatip puuaniitinnissaanut akisussaassaaq, allagartarlu taanna ikkusimavinnigippat amigaataappalluunniit inatsisitigut malersorneqarsinnaalluni.

Imm. 2 naapertorlugu Nuna tamakkerlugu nakorsaataasivik nassuiaatip nakorsaatip puuanut ikisap oqaasertaanik Nakorsaatit pillugit ataatsimiititaliamut tusarniaareernikkut akuersisimassaaq. Ataatsimiititaliaq aallaavittut nutsikkap pitsaassussaa pillugu oqaaseqartussaangilaq, taamaattumillu tusarniaanermut akissuteqarnermini puuanut ikisami oqaatsit atorneqartut aalajangersimasut ataatsit tunngavigalugit akuersissuteqarnini tunngavigisinnaallugu.

§ 15-imut

Nakorsaatinut akuerisaasunut innersuussutigineqartussaasunut nassuiaatigineqarpoq tassaasut nakorsaatit allattuiffimi H-mi ilaatinneqanngitsut, takuuk § 7, imm. 1, nr. 3.

§ 16-imut

Aalajangersakkami imm. 1-imi aalajangersarneqarsimavoq nakorsaatit innersuussutigineqartussaasut taamaallaat inunnut uumasunullu atorneqassasut tamanna aalajangiivigineqarsimappat peqqinnissamik suliaqartumit, tassa imaappoq peqqinnissaqarfimmi atorfeqartumit imaluunniit namminersortumit peqqinnissaqarfimmut tunngasunik suliaqartumit nakorsaatinik innersuussisinnaatitaasumit, imaluunniit uumasut nakorsaannit, aammalu inuit taakkua aatsaat pisinnaatitaaffimmik iluanni taamatut aalajangiisimappata. Aalajangersakkap tunngavigaa inuit taaneqartut ilinniagaqarnertik misilittakkatillu tunngavigalugit nakorsaat aalajangersimasoq napparsimasumut aalajangersimasumut il.il. qanoq sunniuneqateqarsinnaanersoq nalilersinnaammassuk. Akuersissuteqartarneq pillugu inatsisinut akisussaassuseqarluni aalajangiisoqassaaq amerlanertigullu paasissutissiinissamut nalunaarsuinissamillu erseqqinnerusunik aalajangersakkanik ilaqartinneqartarlutik.

Imm. 2-mi nakorsaatit innersuussutigineqartussaasut tunniunneqartarnerat malittarisassiuunneqarpoq. Nakorsaatit tunngaviatigut peqqinnissaqarfimmi

sulisumit innersuussisumit namminermit tunniunneqartarput, tamannalu nalinginnaasumik nakorsiarnermut atatillugu ingerlaannaq pisarluni. Akerlianilli inuup innersuussisuusup tunniussineq allamut isumagitippagu, innersuussisup aamma nakorsaammik tunniussisup akornanni paatsooqatigiittoqarsinnaavoq. Tamatuma kingunerisinnaavaa nakorsaatiniik paarlaassisoorneq, annaaralunilu minnaaraluniluunniit nakorsaatiniik pisassiineq assingusinnaasunilluunniit pisoqarsinnaanera, napparsimasup peqqinnikkut ulorianartorsiortinneqarneranik kinguneqarsinnaasunik. Taamaattumik peqqussummi piumasarineqarpoq nakorsaatissiisup nakorsaammillu tunniussisussap akornanni attaveqatigiissutissat pisassasut tamatumunnga atugassiat assigiiaartut atorlugit, nakorsaatinut allaffissiat imaluunniit nakorsap nakorsaatinut allagartaliuttagaa atorlugit. Tamanna isumaqarpoq innersuussutit tunniussivissamut faxikkut nassiunneqarsinnaasut, ungasissumut nassiussassaappata, soorlu assersuutigalugu Kujataani savaateqarfinnut.

Imm. 3-p napparsimasumut nakorsaatissanut allagartat aamma nakorsaatit tunniunneqarnissaannut allagartat ilusilersorneqarnissaat pillugit Naalakkersuisut erseqqinnerusunik malittarisassaliortussaattippai. Napparsimasumut nakorsaatissanut allagartat napparsimasunut ataasiakkaanut katsorsaavinni aalajangersimasuni napparsimasullu journaliinut ilaatillugit toqqorneqarsimassapput. Allagartaq napparsimasup nakorsaatiniik tamakkiisumik atuinera pillugu takussutissiisaaq. Nakorsaatit tunniunneqarnissaannut allagartat katsorsaavinni nakorsaatissanut allagartanik atuinngitsuni ataasiakkaarlugit tunniunneqartassapput. Nakorsaatit tunniunneqarnissaannut allagartat napparsimasumut nakorsaatissanut allagartat assigalugit napparsimasup nakorsaatiniik atuineranik takutitsinngillat, innersuussisartulli aamma tunniussisup akornanni assigiissaartumik attaveqatigiinnissamut pisariaqartitsinermut naammassinnilluni.

§ 17-imut

Nakorsaatit nalunaarutigineqartussaasut (nakorsaatinut allattuiffimmi A-imiittut) tassaapput nakorsaatit uerisoortitsilersinnaasartut, taamaattumillu atornerluinissaq unioqqutitsillunilu tuniniaanissaq pinaveersaartinniarlugit taakkuninnga atuineq immikkut nakkutigineqartariaqarluni. Taamaattumik nakorsaatiniik taakkuninnga atuineq malittarisassat erseqqinnerusut Naalakkersuisunit aalajangersarneqarsimasut naapertorlugit nalunaarutigineqartartussaapput.

Tassunga atatillugu inuup peqqinnissaasup innersuussisup imaluunniit nakorsaatinut uninngasuutinut taakkununnga akisussaasup nalunaaruteqartussaataitanissamut pisussaatinneqarnissaa Naalakkersuisut aalajangersinnaavaat. Aammattaaq nalunaaruteqartarnissap ilusissaa annertussusissaalu Naalakkersuisunit malittarisassaqartinneqarsinnaapput, aamma napparsimasunut ataasiakkaanut nakorsaatit atorneqartut pillugit paasissutissat ilanngunneqartassanersut ilanngullugu. Kiisalu Naalakkersuisut aalajangersinnaapput Namminersornerullutik Oqartussani oqartussaaffimmut sorlermut nalunaaruteqartarneq ingerlatinneqartassanersoq, taamatummi aalajangernissamut apeqqutaassammat nalunaaruteqarnermi paasissutissat sorliit ilaatinneqartassanersut.

§ 18-imut

Imm. 1-imi aamma 2-mi aalajangersarneqarpoq uumasunut nakorsaatinik tunniussisarnissaq pingaernerusutigut uumasut nakorsaannit innersuussutigineqartassasoq, nakorsat uumasut nakorsaasa suliaannik ingerlataqartut imm. 2-mi taaneqartut eqqaassanngikkaani. Minitsinerup taassuma manna tikillugu suliassami tassani inatsisitigut pisinnaatinneqarneq ingerlateqqiinnarpaa, tamannalu uumasut nakorsaattut suliaqarneq il.il. pillugit inatsisip Kalallit Nunaanni atortuulersinneqarnissaanik peqqussummi nr. 525-mi 8. juni 2004-meersumi § 4, imm. 5-imi iluarsiiusserneqarpoq, tamannalu pisariaqartutut isigineqarluni nunap immikkoortuisa uumasunut nakorsaqanngitsut uumasunut nakorsaatitigut pisariaqartutigit sullinneqarnissaat qularnaarsimaneqartariaqarmat. Nunap immikkoortuini taakkunani misilittakkat naapertorlugit pisuni aalajangersimasuni nakorsap uumasunik takusaasarnissaa nakorsaatillu atorlugit nakorsaasarnissaa pisariaqartinneqartarpoq.

Imm. 3-mi inatsisitigut tunngaviliinikkut nerisassiat isumannaatsuunissaat uumasullu atugarissaarnissaat qulakkeerniarlugu uumasunut nakorsaatit pillugit erseqqinnerusumik pisariaqartumik malittarisassaliorsinnaanermut Naalakkersuisut annertuumik piginnaatinneqarput. Minnerunngitsumik nerisassiat isumannaatsuunissaannut pingaaruteqarluinnartut tigummigallartitsinermi piffissat pillugit malittarisassat aalajangersakkami erseqqissarneqarput. Tigummigallartitsinermi piffissat tassaapput piffissaliussat inatsimmi nalinginnaasumik imaluunniit uumasunut nakorsamit aalajangersarneqarsimasut, piffissallu aalajangersimasup iluani nakorsaatit atorlugit nakorsaareernerup kingorna uumasut toqunneqarnissaannik nerisassiassatullu atorneqarnissaannik inerteqqutitaqartut. Neqimi neqimillu nerisassiani allani nakorsaatit sinnikuinik peqqinnissamut ajoqusiinnaasunik peqannginnissaa piffissaliussat qulakkeerniarpaat.

Uumasunut nakorsaatinut tunngassuteqartut teknologiimi sukkasuumik ineriartornermit sunnertisimapput, tamannalu tamanit atuisunillu nunanilu allani niuerfinni neqinik kalaallit tunisassiaanik pisisartuni oqartussaasunit piumasqaatinik allanngorartunik malitseqartarluni. Tamanna tunngavigalugu inatsisitigut tunngavissiissutip Naalakkersuisut periarfissiivigai ineriartornermut attuumassuteqartunut qisuariaateqartarnissamut allaffissornikkut malittarisassaliorsinnaanissamut.

Naalakkersuisut aammattaq aalajangersaasinnaapput nakkutilliinermi iliuusissat pillugit malittarisassanik, malittarisassat maleruarneqarnissaannik qulakkeerisussanik.

§ 19-imut

Aalajangersakkami aalajangersarneqarpoq Kalaallit Nunaani nakorsaatit tuniniarneqarsinnaallutillu tunniunneqarsinnaasut akuerineqarsimasut kisiisa pillugit

pilerisaarisoqarsinnaasoq, taamaalillutik nunami maani akuerineqaaqaarani nakorsaatit pissarsiarineqarsinnaanngitsut pilerisaarutigineqarsinnaanatik.

Imm. 2 naapertorlugu tamanut ammasumik pilerisaarineq taamaallaat nakorsaatinut pisiarineqarsinnaasunut tunngasuusussaavoq, nakorsaatit tamakku taakkutuaammata pisiniarfitsigut tuniniarneqarsinnaasut, kiisalu illersuutissanik akiuussutissaliinerit pitsaaliuinerillu pillugit ussassaarinerit pisortanit akuerineqartut. Innuttaasut taamaalillutik nakorsaatit, taamatut ussassaarinermi atorineqartut inassutigineqartullu pillugit paasissutissinneqarsinnaapput, naak nakorsaatit tamakku innersuussutigineqartartuugaluartut. Nakorsaatit innersuussutigineqartartut pillugit taamaallaat inunnut nakorsaatinik tamakkuninnga innersuussisinnaatitaasunut ussassaarutigineqarsinnaapput. § 20-mut

Nakorsaatit pillugit pilerisaarutip tamakkiisuunissaanik pineqartumullu tunngalluinnartuunissaanik pingaarnerusutigut piunasaqarnikkut qulakkeerniarneqarpoq innuttaasut nakorsaatip atorineqarnissaa sunniutaalu kiisalu ilakutai pillugit erseqqilluinnartumik paasisaqarnissaat. Taamaattumik pilerisaarut tunisassiaq pillugu paasissutissanik pingaarnerpaaginnarnik imaqassaaq piviusullu kisiisa paasissutissiarissallugit. Pilerisaarut uukapaatitsisuussanngilaq nakorsaatillu piginnaasaanik ingasattajaarissanani, assersuutigalugu napparsimasup nakorsaammik iisaqaruni peqqissinissaanik neriorsuilluni.

Pilerisaarinermi paasissutissat tunisassiap sunik imaqarneranut naapertuutissapput, assersuutigalugu nakorsaatip katitigaanera, nakorsaat qanoq agguanneqarnersoq, katsorsaanermi atorineqarfissaa, katsorsaanermi atorineqanngiffissaa, ilakutai, mianersorluni iliuusissat, annertussusiliineq mianersuqqussutaajunnartullu.

§ 21-mut

Imm. 1-mi nappaatinut imaluunniit nappaatinut ersiutaasunut il.il. tunisassiat allat nakorsataanngitsut pitsaaliuisinnaanerit, nipaallisaasinnaanerat, sunniuteqarsinnaanerit allatigulluunniit nakorsaanikkut imaluunniit timikkut katsorsaanikkut sunniuteqarsinnaanerit tamanut ammasumik - toqqaannartumik toqqaannartuunngitsumillu - pilerisaarutigineqarnissaat inerteqqutigineqarpoq. Taamatut pilerisaaruteqartarnerit tutsuviginartuugajugatillu nakorsaatip akuerisaaneramik misissorneqarsimaneranillu atuisumut nalorninermik pilersitsigajuttarput. Toqqaannanngitsumik pilerisaarinermit nittartakkamut innersuussineq assersuutissaavoq.

Immikkut ittuni imm. 2 naapertorlugu imm. 1-imi taaneqartut tunisassiat allat nakorsataanngitsut nappaatinut imaluunniit nappaatinut ersiutaasunut pitsaaliuisinnaanerit, nipaallisaasinnaanerat sunniuteqarsinnaanerallu immikkut ittumik akuersissuteqarnikkut pilerisaarutigineqarsinnaanissaat pillugu Naalakkersuisut malittarisassaliorsinnaapput. Nioqqutissiat inerteqqutip unioqqutinneqarsinnaaneranut isumaliutigineqarsinnaasut assersuutaasinnaapput kigutigissaatit nioqqutissiat.

§ 22-mut

Aalajangersakkami imm. 1-imi inatsisit allat aamma isiginiarneqarnissaat erseqqissarneqarmat matumani eqqarsaatigineqarpoq assersuutigalugu radio tv-lu pillugit Inatsisartut peqqussutaat nr. 6, 14. november 2004-meersoq. Inatsimmi pineqartumi § 52, imm. 1 malillugu nakorsaatit radiokkut tv-kkullu piseqqusaarutigeqqusaanngillat. Inatsisartut peqqussutaat manna tamatuma kingunerisaanik ammaassinngilaq radio tv-lu pillugit peqqussummut akerliusumik nakorsaatinik radiomi tv-milu piseqqusaarisinnaanermut.

Imm. 2-mi tunngavissiissuteqarnikkut Naalackersuisut piginnaatinneqarput nakorsaatit pillugit pilerisaarisarsinnaanissaq, alaatsinaanneq, nakkutiginninneq naammagittaalliorfiusinnaasut il.il. pillugit erseqqinnerusumik malittarisassaliorinnaanissamut. Tamanut ammasumik aammalu peqqinnissaqarfimmi sulisunut il.il. pilerisaarineq pillugu assigiinngitsunik malittarisassaliorqarsinnaavoq, tassa peqqinnissaqarfimmi sulisut ilaatigut ilinniagaqarsimanertik pissutigalugu allaanerusumik paasissutissinneqarnissamik pisariaqartitsisartussaammata.

§ 23-mut

Erseqqissarneqarpoq Nuna tamakkerlugu nakorsataasiviup qullersaa Naalackersuisut inuiaqatigiillu atugassaannik nakorsaatit pillugit kisitsisitigut ukiumoortumik paasissutissiissusiortussaataasoq.

Nuummi nakorsataasivik København Amt Sygehusvesen aqutigalugu nakorsaatit pisiarinqarsimasut pillugit kisitsisitigut paasissutissanik maannakkut suliaqartarpoq, siunissamili kisitsisitigut paasissutissat nakorsaatinik nunami atuineq tamaat pillugu paasissutissanik ilaqartalissapput. Nakorsaatit pillugit kisitsisitigut paasissutissat pillugit Naalackersuisut annertunerusumik piumasqaateqarsinnaapput, soorlu kisitsisitigut paasissutissat assersuutigalugu peqqissaaveqarfikkaartumik qanoq naatsorsorneqartarnissaat pillugu.

§ 24-mut

Peqqussutip peqqussutaanik inerteqqutaanillu unioqqutitsinerit akiliisitsissutaasinnaassasut arsaarinnissutaasinnaassasullu siunnersuutigineqarpoq. Ingerlatseqatigiiffimmit assigisaanilluunniit unioqqutitsisoqarpat ingerlatseqatigiiffik akiliisinneqarsinnaavoq arsaarneqarsinnaallunilu.

Peqqussummi inatsisitigut tunngaveqartunik malittarisassanik unioqqutitsinermut qanoq iliuuseqartoqarnissaanik pisariaqartitsisoqassappat tamanna imm. 4-mi periarfissiivigineqarpoq.

§ 25-mut

Inuit suliffeqarfiillu peqqussummi pisussaaffeqartitaallutillu akisussaaffeqartitaasut nakkutiginiisaat pillugu erseqqinnerusunik malittarisassaliornissamut Naalakkersuisut aalajangersakkakut piginnaatinneqarput. Aalajangersakkami imm. 2-mi Nuna tamakkerlugu nakorsaataasiviup qullersaata suut nakkutigisassarinerai aalajangersarneqarpoq. Nuna tamakkerlugu nakorsaataasiviup qullersaata nakkutigisassarai nakorsaait eqqussorneqarnerat, nakorsaait pissarsiariniarneqarnerat kiisalu passunneqarnerat. Tamanut tunngatillugu nakorsaait isumannaatsuutinissaat qulakkeerniarlugu Nuna tamakkerlugu nakorsaataasiviup qullersaa piginnaatinneqarpoq eqqartuussivimmit akuersinertaqanngitsumik, kinaassutsimik pissusissaatut uppersaanikkut, nakorsaataasivinnut, pisiniarfiit initaannut assigisaannullu isernissamut, nakorsaatinik uninngasuutinik takuniaanissamut misissuinissamullu. Nakorsaataasiviit imatut paasineqassapput napparsimmavissuarnut, peqqissaavinnut, nakorsiarfarfeqqanut assigisaannullu tunngatillugu nakorsaatinik peqqumaasiviit, nakorsaatinik agguaatassanik amerlasuukkaarlugit uninngasuutaasivigineqartut. Misissuinermi qulakkeerneqassaaq nakorsaait isumannaatsumik uninngasuutiginissaat, nakorsaait atasinnaassusiat attattuarumallugu aammalu uninngasuuteqarneq paasinerluinernut paarlaassinernullu pissutaateqqunagu.

Aalajangersakkami imm. 3-mi aalajangersarneqarpoq uumasut nakorsaattut pisortaasup nakkutigisassarigai uumasunut nakorsaait, inuussutissat isumannaatsuunissaat uumasullu atugarissaarnissaat qulakkeerumallugu. Uumasut nakorsaattut pisortaasoq eqqartuussivimmit akuersinertaqanngitsumik, kinaassutsimik pissusissaatut uppersaanikkut piginnaatinneqarpoq, uumasut nakorsaasa nakorsaataasiviinut, nakorsat uumasuuteqarnikkut pisussaaffinnik isumagisallit nakorsaataasiviinut, illuutinut inuussutissarsiutigalugu uumasuuteqarfiit assigisaasalu nakorsaataasiviinut isernissamut, nakorsaatitigut uninngasuutinik uumasuutinillu takuniaanissamut misissuinissamullu. Nakorsaait uninngasuutit nakkutiginerisigut qulakkeerneqassaaq nakorsaait isumannaatsumik uninngasuutiginissaat kiisalu nunaatillit illuutaanni nakorsaait suussusii amerlassusiilu innersuussutigineqartutut innissaat. Inuussutissarsiutigalugu uumasuuteqarnerup nakkutigineratigut qulakkeerneqassaaq peqqussutit inerteqqutillu atortuulersissimanissaat nalunaarummi § 18 imm. 3 naapertorlugu.

§ 26-mut

Peqqussut atuutilissaaq 1. januar 2006.

Peqqussutip atuutilerana ilutigalugu imm. 2 naapertorlugu atortuujunnaarsineqassapput Nakorsaait pillugit Inatsit nr. 327 26. juni 1975-imeersoq aamma Nakorsaataasiveqarneq pillugu Inatsit nr. 209 11. juni 1954-imeersoq. Atortuujunnaarsitsinermi taamaalilluni pineqarput pineqartumi inatsisit pingaarnerit marluk kiisalu kingusinnerusukkut allannguutigisimasaat nalunaarutillu

taakkununga attuumassuteqartut, nakorsaatinut tunngatillugu maannamut Kalaallit
Nunaannut atuussimasut.